

**TEZAUUR LITURGIC**  
**14 NOIEMBRIE**

**ACATISTUL**  
**SF. IERARH**  
**GRIGORIE**  
**PALAMA,**  
**ARHIEPISCOPUL**  
**TESALONICULUI**



**MOSCOVA, 2000**



# Акафист

## святителю Григорию Паламе, архиепископу Солунскому

### Кондак 1, глас 8

Подобен: Взбранной Воеводе:

Фессалонитскаго пастыря всеизряднаго и  
Церкве светило многосветлое воспоим в песнях  
богovesщанных: Света бо незаходимаго явися  
селение, и подаёт просвещение и благодать  
независтную зовущим:

Радуйся, отче Григорие, благодати проповедниче.

### Икос 1

Ангел в мире, яко вышних зритель, показался  
еси, Григорие всеблаженне, и боговидным твоим  
житием ангельская дарования улучил еси.  
Темже, твоей светлости дивящися, отче, вопием:

Радуйся, имже Свет божественный сияет;

радуйся, имже тьма отгнася.

Радуйся, премудрости верте благово́ннейший;

радуйся, наказания лучшаго причастниче.

Ра́дуйся, вы́сотó неудобозри́мая вы́соких  
виде́ний;

ра́дуйся, глублино́ непроходи́мая даро́в духо́вных.

Ра́дуйся, я́ко еси́ церко́вная све́тлость;

ра́дуйся, я́ко показáлся еси́ правосла́вных  
кре́пость.

Ра́дуйся, свети́ло ве́ры все́светло́е;

ра́дуйся, свети́льниче благода́ти незаходи́мый.

Ра́дуйся, егóже ра́ди буесло́вцы умолка́ют;

ра́дуйся, егóже ра́ди богосло́вцы взыгра́ют.

Ра́дуйся, о́тче Григо́рие, благода́ти пропове́дниче.

## **Кондак 2**

Зре́ние души́ твоея́ от ю́ности, о́тче, ко Христу́  
Царю́ простира́я, ца́рския презре́л еси́ двору́ и  
земну́ю сла́ву оста́вил еси́, по́стническими же  
труды́ Господеви послéдуя, воспева́л  
еси́: Аллилу́ия.

## **Икос 2**

Ра́зуму́ внешне́му все́му́ обуча́лся еси́,  
всеблаже́нне, я́ко разу́мен и zeló остроу́мен,  
отню́дуже Прему́дрости Бо́жия добрóты

рачѣтель явилъ еси́, Григоріе, умудряя  
божественными́ словесы́ твоими́ благоговѣйне ти  
вопиющія:

Радуйся, нравов преподобных сосуде;

радуйся, Свѣта невещественнаго сокровище.

Радуйся, корене благороднаго древо всеплодное;

радуйся, благочестія киннамонѣ благово́нный.

Радуйся, цвѣте неувядаемый земледѣлания  
таинственнаго;

радуйся, финикс многоплодный благоплодія  
душевнаго.

Радуйся, яко презрѣл еси́ лѣсть мирскую;

радуйся, яко прия́л еси́ благодать богоданную.

Радуйся, Христовъ служителю теплейший;

радуйся, тленныхъ всяческихъ превы́шший.

Радуйся, душевныя силы ожививый;

радуйся, страстей стремленія умертвивый.

Радуйся, отче Григоріе, благодати проповѣдниче.

### Кондак 3

Силою на Афоне облѣклся еси святою, приѣм  
иноческий образ, и в немощи плоти к  
постническому уготовался еси трудом, Григорие  
блаженне, Укрепляющему тя зовый: Аллилуия.

### Икос 3

Просиял еси безмолвием и усердным подвигом  
всяким деятельнаго жителства и умною  
молитвою Спасу в таинстве соединился еси,  
Света божественнаго исполняем и просвещая  
тебе вопиющия:

Радуйся, светильниче безмолвия;

радуйся, образе воздержания.

Радуйся, умныя молитвы делателище;

радуйся, деятельнаго жителства сокровище.

Радуйся, сосуде многоценный дохновения  
Утешителява;

радуйся, уста богоносная гласа духовнаго.

Радуйся, яко превозшел еси пределы тления;

радуйся, яко взираеши на славу Божию.

Радуйся, зряй Свет божественный;

ра́дуйся, Бо́га ви́дй и от Него ви́димый.

Ра́дуйся, бу́яя упразднѣяй мудровѣнія;

ра́дуйся, лю́тая отгонѣяй нападе́ния.

Ра́дуйся, о́тче Григо́рие, благода́ти пропове́днице.

#### **Кондак 4**

Пожив в безмо́лвии, я́коже а́нгел, о́тче, го́рнее светозаре́ние прия́л еси́ и, испо́нь вои́стину божество́ннаго Свѣта, отше́л еси́ от Афо́на я́коже со́лнце, Григо́рие богому́дре, воспламеня́я пою́щия: Аллилу́ия.

#### **Икос 4**

Обличил еси́ божество́нным сло́вом и премудро́сти си́лою и догма́ты святы́ми, богому́дре, злосла́вие Варлаа́мово, удиви́в вся твоёю благода́тию, учи́тель бо божество́нный вопи́ющим показа́лся еси́:

Ра́дуйся, цевни́це благоче́стия;

ра́дуйся, паде́ние злочѣ́стия.

Ра́дуйся, Це́ркве вели́кий учи́телю;

ра́дуйся, богоза́рности невещество́ннаго испо́лненный.

Ра́дуйся, ветіе многомудрый догматов правых;  
ра́дуйся, мечу обоюдоострый на вся  
враждующия.

Ра́дуйся, умных плевел искоренителю;  
ра́дуйся, добродетелей небесных насадителю.

Ра́дуйся, многий в слове благодати;  
ра́дуйся, краткий во всех и незлобивый.

Ра́дуйся, верных сердца утверждай;  
ра́дуйся, страстей вины попяляй.

Ра́дуйся, отче Григорие, благодати проповедниче.

### **Кондак 5**

Богоглаголивым языком на соборе  
божественном, яко исполнь небесныя  
премудрости, изложил еси, отче, Православия  
воистину святыя догматы, яко отцем  
единодушный, Григорие, с нимиже  
зовеши: Аллилуия.

### **Икос 5**

Святитель богомудрый, яко добродетелей  
сокровище и тайник восхождений  
божественных, и Фессалонитский пастырь

боговѣден и премудр был еси божественным  
жребием, преподобне, слыша от нас сицевая:

Радуйся, уста богословов;

радуйся, державо православных.

Радуйся, иереев правило точнейшее;

радуйся, пастырей образе богонапечатленный.

Радуйся, трубó боговещанная учений  
священных;

радуйся, источниче богоструйный, воду нову  
источаяй.

Радуйся, Солуню благославный  
пастыреначальниче;

радуйся, Православия богоглаголивый  
предстателю.

Радуйся, Света божественнаго служителю;

радуйся, жизни непорочныя учителю.

Радуйся, душевную скверну очищаяй;

радуйся, верных ревность возбуждаяй.

Радуйся, отче Григорие, благодати проповедниче.

## Кондак 6

Проповѣдникъ Свѣта божественнаго бывъ,  
богоглаголивѣ, яко того прича́тникъ в жити́и, на  
той подѣмши́я гласъ словесъ свѣтлостію затми́л  
еси́, и вся воздвиглъ еси́, Григѳ́оріе, Бо́гови  
звати́: Аллилу́ія.

## Икос 6

Воссия́въ на собо́ре, яко свѣтлы́й богосло́въ и уста́  
неизглагола́нныя Премудрости, неприча́ствуемо  
бы́ти Бо́жие существо́ боговеща́яй проповѣдалъ  
еси́, прича́ствуемо же дѣ́йство, тебѣ́ вопи́ющимъ,  
о́тче:

Ра́дуйся, ве́лий священноявѣ́телю;

ра́дуйся, божественный́ богоявѣ́телю.

Ра́дуйся, вы́шняя свѣтлості́ возвестѣ́телю;

ра́дуйся, обоже́нія свѣтлы́й тайнописа́телю.

Ра́дуйся, умнаго́ трезвѣ́нія вождю́ боговѣ́дныи́;

ра́дуйся, моли́твы вну́трення́ наставни́че  
непрелѣ́стныи́.

Ра́дуйся, яко́ испо́лнился еси́ благода́тей  
небесныхъ;

ра́дуйся, я́ко приобщи́лся еси́ осия́нный  
боже́ственных.

Ра́дуйся, Бо́жию ви́девый свѣ́тлость;  
ра́дуйся, страсте́й изгоня́яй те́мность.

Ра́дуйся, догма́тов правосла́вных основа́ние;  
ра́дуйся, стру́й богото́чных исто́чнице.

Ра́дуйся, о́тче Григо́рие, благода́ти пропове́днице.

### **Кондак 7**

Ве́лий во святи́телех вои́стину показа́лся еси́,  
Григо́рие му́дре, богояви́телю, я́ко апо́стольским  
житие́м и дивны́ми добродете́лями украше́н,  
преподо́бне, и вся воздви́заеши пе́ти: Аллилу́ия.

### **Икос 7**

Не́ктар невеще́ственный боже́ственный и ма́нну  
душепита́тельную и мед и́же из ка́мене  
источа́ющая, я́ко рече́ священны́й Дави́д, твои́х  
словес за́вещания́ подаю́т, Григо́рие всечу́дне,  
веселя́ще вопию́щая:

Ра́дуйся, язы́че сладча́йший;  
ра́дуйся, зра́че боже́ственнейший.

Ра́дуйся, подо́бнице Спа́сов и подража́телю;

ра́дуйся, ревни́телю отце́м и сообита́телю.

Ра́дуйся, ве́яние небéсное, ду́ши  
прохлажда́ющее;

ра́дуйся, росó духора́дованная, нас ороша́ющая.

Ра́дуйся, благово́ние свято́е чи́стаго жи́тельства;

ра́дуйся, пи́ще совершенная душе́внаго  
пи́ршества.

Ра́дуйся, ча́ше не́ктара безсме́ртнаго;

ра́дуйся, лю́тых мудрова́ний обличи́телю.

Ра́дуйся, богоно́сцев сия́ние му́дрых;

ра́дуйся, люде́й водите́лю правосла́вных.

Ра́дуйся, о́тче Григо́рие, благода́ти пропове́днице.

### **Кондак 8**

Стра́нная даде́ся благода́ть во изли́янии богáте  
устна́ма твои́ма, богояви́телю, отню́дуже, я́ко  
ве́лия река́, из Еде́ма происхо́дящая, Григо́рие,  
Це́рковь всю напо́яеши, Го́сподеви  
вопию́щую: Аллилу́ия.

### **Икос 8**

Гора́, о́тче, Афóнская све́тлыя твоя́ по́двиги с  
Солу́нем пропове́дует, и вся Це́рковь ве́рных я́ко

богоза́рнаго ты́ честву́ет изъявѣ́теля Свѣ́та ѿ́же  
па́че смы́сла, ѿ́мже просвѣща́еши вопи́ющія:

Ра́дуйся, уста́ богоно́сная;

ра́дуйся, сосу́де мирно́сный.

Ра́дуйся, трисо́лнечно́го осия́ния орга́не;

ра́дуйся, безмо́лвия соверше́ннаго нѣ́во.

Ра́дуйся, до́ме богосвѣ́тлый божѣ́ственнаго  
дѣ́йства;

ра́дуйся, бога́тство некра́домое ѿ́же в Ду́се  
живо́та.

Ра́дуйся, я́ко прия́л еси́ божѣ́ственная да́ния;

ра́дуйся, я́ко отврати́л еси́ Варлаа́мова  
пустосло́вия.

Ра́дуйся, ѿ́мже Афо́н велича́ется;

ра́дуйся, ѿ́мже прѣ́лесть отгоня́ется.

Ра́дуйся, свѣ́тлая Солу́ню сла́во;

ра́дуйся, тве́рдая Правосла́вия держа́во.

Ра́дуйся, о́тче Григо́рие, благода́ти проповѣ́дниче.

## Кондак 9

Ре́ки от чре́ва твоего́ та́инственным одождéнием  
с небесе́, я́ко рече́ Спас, теку́т, о́тче премудре, и  
жа́ждущая сердца́ напоя́ют от живо́тныя струи́,  
Григо́рие, Бо́гови зва́ти: Аллилу́ия.

## Икос 9

Легча́йше, о́тче, подъя́л еси́ искуше́ния  
различна́я за до́брое испове́дание, и я́коже зла́то  
во огни́ искуше́н все́ми, превозсия́л еси́, возводя́  
к лу́чшим благоговейне́ ти вопию́щия:

Ра́дуйся, ка́меню благому́жества;

ра́дуйся, ка́меню терпе́ния.

Ра́дуйся, искуше́ний нашéствия не убо́явыйся;

ра́дуйся, страсте́й пещь угаси́вый.

Ра́дуйся, стено́ неколебима́я Це́ркве Христо́вы;

ра́дуйся, свети́льниче многосве́тлый люде́й  
богомудрых.

Ра́дуйся, я́ко ско́рби в ра́дости понёсл еси́;

ра́дуйся, я́ко Го́сподеви со сла́вою предста́л еси́.

Ра́дуйся, Бо́жия та́инства пропове́давый;

ра́дуйся, ве́рным спаси́тельная предложи́вый.

Ра́дуйся, душ домостро́ителю божество́нный;  
ра́дуйся, Христо́в дру́же божество́ннейший.  
Ра́дуйся, о́тче Григо́рие, благода́ти пропове́днице.

### **Кондак 10**

Уст твои́х словесы́ правосла́вная ве́ра утверди́ся  
в Ду́се божество́нном: дре́вним бо божество́нным  
отце́м единопра́вен и единоду́шен быв, гла́сы  
тех, преподо́бне, возгла́вил еси́, поя: Аллилу́ия.

### **Икос 10**

Све́та нетва́рнаго наслажда́ясь луча́ми,  
возсия́вшаго на Фаво́ре, сего́ словопису́еши  
свяще́нне сла́ву, добро́ту, све́тлость и  
воздвиза́еши, свя́те, ко приобще́нию вопию́щия:

Ра́дуйся, све́та нетва́рнаго тайнни́че;  
ра́дуйся, от страсте́й душетле́нных изба́вителю.

Ра́дуйся, бу́дущаго благосла́вия предначина́ние;  
ра́дуйся, су́щих в ско́рби ду́ш утеше́ние.

Ра́дуйся, я́ко бу́ию показа́л еси́ му́дрость  
Варлаа́мову;

ра́дуйся, я́ко возвести́л еси́ Ду́ха благода́ть.

Ра́дуйся, архиере́ев божество́нное удобре́ние;  
ра́дуйся, светоно́сное сокрови́ще богосло́вия.

Ра́дуйся, све́та невещество́ннаго зерка́ло;  
ра́дуйся, чужды́х догма́тов се́рпе.

Ра́дуйся, ра́досте правосла́вных и да́ре;  
ра́дуйся, вра́жий ро́г низверга́яй.

Ра́дуйся, о́тче Григо́рие, благода́ти пропове́днице.

### **Кондак 11**

Высо́ким помышле́нием и премудо́ростию  
божество́нною пропове́дав Бо́жия вели́чия, Ду́ха  
божество́нных плодо́в открыва́еши благода́ти,  
Григо́рие, чи́стым ду́хом, ихже причаща́ются  
вопию́щии: Аллилу́ия.

### **Икос 11**

Светоза́рно твоё жити́е добродете́лей луча́ми,  
Григо́рие, явися́, боговещанне, испо́ль же све́та  
вои́стину уче́ние твоё, блаже́нне: Бо́гови бо  
приво́диши вся́ческия уче́нии твоими́,  
вопию́щия:

Ра́дуйся, исто́чнице уче́ния;

ра́дуйся, утвержде́ние Правосла́вия.

Ра́дуйся, жи́тельства свята́го о́бразе;  
ра́дуйся, Це́ркве божество́нныя вѣ́нче.

Ра́дуйся, жити́я чистѣ́йшаго возвестителю  
чудный;

ра́дуйся, сло́ва благода́тнаго проповѣ́днице  
священны́й.

Ра́дуйся, я́ко душ вся́ку сквѣ́рну очища́еши;  
ра́дуйся, я́ко на спасѣ́ния стезю́ наставля́еши.

Ра́дуйся, свети́льнице невещество́нных осия́ний;  
ра́дуйся, свети́ло вы́шних тайнонау́чений.

Ра́дуйся, егѡ́же ра́ди Це́рковь лику́ет;  
ра́дуйся, егѡ́же ра́ди всяк вѣ́рный божество́нно  
ра́дуется.

Ра́дуйся, о́тче Григо́рие, благода́ти проповѣ́днице.

## **Кондак 12**

Ра́дость испроси́ божество́нную и душ спасѣ́ние,  
Григо́рие, му́дрый святителю́, приходя́щим к  
тебе́ благоговѣ́йне и свѣ́тлыя твоя́ подвиги  
чествую́щим; свѣ́та бо я́ко служи́тель,  
просвеща́еши вопию́щия: Аллилу́ия.

## Икос 12

Поюще твоѣ труды и божественныя подвиги,  
яже совершил еси Църкве ради, благочестивых  
лицы выну поют тя, Григоріе, и благодарными  
усты вопиют ти непрестанно:

Радуйся, державо Църкве;  
радуйся, ветие благочестия.

Радуйся, пустослова Акинди́на постыдивый;  
радуйся, силу богоданную явивый.

Радуйся, апостолом купножителю, яко во всех  
подражатель;

радуйся, общниче и причастниче зарі  
богоначальных.

Радуйся, Фессалонитская светлая деннице;  
радуйся, Православия подвижниче  
богоглаголивый.

Радуйся, душ наших наслаждение;  
радуйся, всякаго православнаго утверждение.

Радуйся, храма честнаго твоего светлосте;  
радуйся, людей верных твоих веселие.

Ра́дуйся, о́тче Григо́рие, благода́ти пропове́днице.

### **Кондак 13**

О божество́нный о́тче, тайнниче неизглаго́ланных, Григо́рие, отце́в кра́ю, твои́х люде́й приими́ гла́сы и твоё предста́тельство да́ждь всем: ве́рно бо к тебе́ притека́ем и Тро́ице вопие́м: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

### **Молитва**

О треблаже́нная и честна́я вои́стину и превожде́ленная главо́, безмо́лвия держа́во, мона́шествующих сла́во, о́бщее богосло́вов и отце́в и учи́телей укра́шение, апо́столов сподви́жнице, испове́дников и му́чеников безкро́вный ревни́телю и венча́телю словесы́ и дея́ньми и благоче́стия поборо́нице и воево́до взбра́нный, божество́нных догма́тов висо́кий изъясни́телю и учи́телю, преле́сти много́разли́чных ересей потреби́телю, всея́ Це́ркве Христо́вы предста́телю, и стра́же, и изба́вителю! Ты и предста́вляеши ко Христу́ назира́еши у́бо и ны́не ста́до твоё и всю Це́рквь свы́ше, болезни́ разли́чныя исцеля́я и словесы́ твои́ми вся́ управля́я, и е́реси изгоня́я, и

многообразных страстей избавляя. Приими же и наше сие моление и избави нас от страстей и искушений, и тревожностей, и бед, и ослабу и мир и благоденствие нам подаждь, о Христе Иисусе Господе нашем, Ему же слава и держава подобает со безначальным Его Отцем и Животворящим Духом, ныне и присно и во веки веков. Аминь.

